

اداره مخصوصه

درسعادتده باب عالی جاده سنده

محل اداره :

مشرط القیم

اخطار :

مسلك كنزه موافق آثار جدیده مع المنوئیه
قبول اولنور

درج ابدله بن آثار اعاده اولنور

دین ، فلسفه ، ادبیات ، حقوق و علوم دن باحث هفته لق رساله در

مؤسسلری : ابوالعلا زین العابدین - ح . اشرف ادیب

درسعادتده نسخه سی ۵۰ پاره در

سنه لکی

۶۰

۸۰

۸۰

القی آیلنی

۳۰

۴۰

۴۰

درسعادتده

ولایاتده

ممالك اجنبیه ده

تاریخ تأسیسی

۱۰ تموز ۳۲۴

قیرلهدن مقوا بورو ایله کوندریلیرسه سنوی

۲۰ غروش فضله آلنیر

درسعادتده پوسته ایله کوندریلیرسه ولایات بدلی اخذ اولنور

عدد : ۴۹

۲۶ رجب ۳۲۷ پنجشنبه ۳۰ تموز ۳۲۵

ایکینجی جلد

دبره قونفره سندن بریپراق

۱۲ تموز ۳۲۵ ده دبره ده اجتماع ایدن عثمانی آرناوؤد اتحاد و مشروطیت قونفره سنده موضوع بحث اولان مواد احتیاجیه وطن میاننده (صراط مستقیم) غزته سنه درجی الزم بر مسئله و اریسه اوده آرناوؤد شعراى مشهوره سندن کوریمجه لی مرخص حافظ علی افندینک موقع مذاکره وضع ایلدیکی مدرسه کیفیتیدر.

مدرسه لر حقنده مومی الیه دن ایضاحات طلب اولندیغی صهرده بر چوق مواد مهمه وطن حقنده سرد مطالبه عاتده بولندیغی کبی مدرسه لره دائره هیئت محترمه یه بیانات اتیه ده بولمیشدر:

بوندن الی التمش سنه اولارینه قدر ممالک محروسه عثمانیه نك هرکوشه سنده بولنان مدرسه لر بر دارالفنون فیض و تعالی ایدی. مکاتب عالیه نك تأسیس و کشادی اوزرینه مدارس اسکی قیمتی غیب ایدرک عادى مکتبلر منزله سنه ایندی.

بونی اثبات ایده بیلیمک ایچون مثال اتی ایراد ایتیمک کافیدر. اسکی مدرسه لر مزدن یالکیز مدرس مفتیلر نشأت ایتیموردی طیب مهندس، اجزاجی، ارکان حرب، صنوف مأمورینک، ارباب فنک منشأ فیضا فیضی ینه اومدرسه لر ایدی. ملاکورانیلر، فناریلر، خسرو لر، ابوالسعود لر، ابن کمالر، برکونلر کنبویلر (رحمهم اه) و سائرکی کمالین فضلالی اسلامیه اومدرسه لر دن یتشن داهیلردن ایدی. بروقتلر مدرسه لر مزده صرف، نحو، منطق، معانی بیان بدیع، عروض، فقه، تفسیر حدیث، آداب، حکمت، کیمیا، موالید، طب، تشریح، هندسه، فلسفه، حساب و جبر و سائر اوقونورکن بالجله علوم طبعیه و ریاضیه مکاتب عالییه حصر ایدیلنجه مدرسه لر مزده کی تحصیل آلات و فقه شریفه انحصار ایلدی.

مدارس قدیمه عربی العبارة علمی وفی متعدد و نافع اثرلر میدانه کتیریمک، علی ملاء الناس غایت بلیغانه عربی نطقلر ایراد ایتیمک اقتدارنده علما و بلیغا یتشدیدرر ایکن شمذیلک مدرسه لر دن یتیشن علما ایسه عربی العبارة اثرلر یازمق، عربجه قونوشمق اقتدارینی حائر اولندیغی شویله طورسون ترکجه اوله رق ادبی مکتوب یازانلر بیله محدوددر.

فقط بویله می اولمالی؟ عربیدن اجازت آلان برافندی ندن عربجه قونوشامسون؟ نیچون عربی العبارة اولان هرائری آکلایه ماسون؟ عربجه کتابت ایده مسون؟

بو حال، عمرینک القیمتدار زمانی مدرسه عالملرنده کچرن بر دین قارداش ایچون عار عظیم دکلیدر؟

مدرسه لرده بعضاً اون، اون بش و یا کرمی سنه وجود افالایدیورزده تکمیل علوم و فنون ایده مدیکمزکی عربی بیله لایقيله اوکرمکدن عاجز قالیورز. بوندندر؟ هیچ شبهه یوق که اصولک عدم انتظامندن. اورویا مستشرقینی اون بش سنه دکل اون سنه ایچنده السنه شرقیدن عربی، فارسی، سنسقریست و سائر بی اوقدر مکمل اوکره. نیورلرکه اولسنه اوزرینه یازاشی اولان آثارى تتبع ایله ادبیات نقطه

نظر نیجه هانکیسی دیکرندن ده سلیس و بلیغ اوله رق قلمه اندیغی بیله میدانه آتمقدن کرى طور میورلر.

والحاصل مدرسه لر من آغلانه جق بر حال تدیده کوزیلور حالبو که دینزک، شعائر اسلامیه مرکز حسن محافظه سی مدرسه لر مزده متوقفدر. مدرسه لر مرکز ترقیسی نسبتده دین ده تعالی ایدر.

مدرسه لر مرکز انحطاط حاضر نه و اکثرینک بسبتون اندراس ایله مسنه نظراً - خدانکرده - الی سنه صکره اسملری تاریخدن باشقه بریرده کورلیه جک و بو یوزدن آتیا احفادک باشنه چو که جک مصائب دینه نك و بالی هپ بزه عائد اوله جقدر. اجداد من مدرسه لر عطف انظار همت ایتسه یدی عجب بوکون بزنه وادیده پویان اوله جقدر؟ بوکونکی کونده عموم عثمانیلره، خاصة حکومات متجاوزنه نك سینه سنه صوقولش اولان بز (زوالی) آرناوؤد لره اک اول لازم اوله جق شی مدرسه لرک اصلاحیدر.

مدرسه لرک اصلاحی ایسه مشکل کورندیکی قدر قولایدر:

۱ - مدرسه لرک مکاتب لیلله صورتنده تشکیله متعدد مدرسه لرک بولندیرلمسی.

۲ - (لسان قواعددن تولد ایتمز قواعد لساندن تولد ایدر) نظریه سنده منی آلت کتابلرینک غایت قلاسیق بر اصوله افراغی و اصلاحی.

۳ - مدت تحصیلک اون سنده عبارت اولمسی.

۴ - کافه علوم و فنونک تحصیل ایتدیرلمسی.

۵ - عربجه دن ترکجه یه ترکجه دن عربجه یه ترجمه و مکالمه صورتيله لسان عربینک صورت مکالمه ده تدریسی.

۶ - هر سنه نهایتنده امتحانلرک جدی و منتظم بر طرزده اجرایی

۷ - صوک سنه لرده بر اجنبی لسانک مکمل تحصیل ایتدیرلمسی

۸ - بوکی مدرسه لر دن نشأت ایده جک طلبه علوم و فنونک بلا امتحان مکاتب عالییه قبول ایدلمسی.

هر سنه اوقوتدیر یله جق علوم و فنونک اقساميله اصول تدریسات درس عادتده تشکل ایده جک هیئت محترمه علمیه طرفندن ده مکمل دوشونوله جکی جهتله بوقدرله اکتفا ایدرک تطویل مقالدن تأدب ایدرم. جمله سنی اتیان ایلدیکنی متعاقب دفاتله عموم هیئت طرفندن فوق العاده آلفیشلره مظهر اولدی.

افاضل علمادن مناسرت مفتیسی رجب و دبره مفتیسی وهی افندیلر حضراتی قالدقهرق بتون موجودیتلریله، حسنیات و طنپورانه لریله بتکرار آلفیشلادیلر.

حافظ علی افندینک نیر حقیقت ایله سائر غزته لره ویردیکی مقالهلر ایله ده وطن مقدس مزه ایتدیکی خدمتی جدأ شایان ستایشدر.

قونفره ده فوق العاده خدمتی مشهور اولان کلین فضلادن رجب و وهی افندیلر حضراتیله، مناسترلی کنعان، سلائیکی مصطفی عارف، قولونیه لی عبدل بگلرک سردایتکلری مطالعات و طنپورانه نك ده آیروجه عرض اولنه جنی مصممدر.

الهامی

ابوالعلا

احمد ساقی بک مطبعه سی